

საბუნების აღმანახი

აპრილი, 1912 წ.

ნ. ბ. ყ. რ. 8



ზუზუნა



აღმანახი გამოვა დრო-გამოშვებით სხვა-და-სხვა სათაურით. დასაბეჭდი მასალები გამოიგზავნება შრომის სტამბაში, აღმანახისათვის.

ინტელიგენტიანთა თაგაში



მესტვირის სიმღერა:

სოფელ-სოფელ ვიარები
ჩემი გულა-სტვირითაო,
ვისაც უნდა, ქორწინებზე
ამიყვანოს ქირითაო.

კამპანას გავაცოცხლებ
ამ ჩემი საყვირითაო,
გულას მხრებში ამოვიღებ,
დავამღერებ პირითაო.

ქეიფობას გავაგრძელებ—
მთელი ორი კვირითაო,

და როდესაც გამოვფრები
თეთრი ღვინით სვირითაო—

შუბლში მუშტსა მიგაკერებ
ქვაითა და გირითაო
და ამ რიგათ იქვე მიწას
დაგანნიებ ცხვირითაო!

თამადას ავათამაშებ
ბუქნით გასაკვირითაო,
როცა ლხინი მომწყინდება
სახლში წავალ ვირითაო.

ვინმე გიყმა ჩემკენ ცხენი
თუ გამოაჯირითაო,
დამატაკებს, გადმომადგებს
ძირში .. თავდა-ყირითაო.

მეტის-მეტი ლხინი მუდამ
შეიცვლება კირითაო,
ჩემს სიცოცხლეს დავასრულებ
ბოლოს, გასაჭირითაო!..

გურიანთელი.

დიდება ბრძოლა შიპ.

ვისთვისაც თავის ამაღლება
სასურველია,
ვინც კი რომ ტანჯვად არ მიჩნევს
რაც, რომ მწველია,
ვინც თვისი საქმის, ერთი სიტყვით
გადამკრელია—
მან სხივად უნდა მიიჩნიოს
სატანჯველია!..
უნდა განდევნოს, რაც მის გულში
მოჰმის შურია,
თვისკენ მისწიოს ვინც გარშემო
უბედურია,
იბრძოლოს მუდამ!.. ჰხარობს ვისაც
ბრძოლა სწყურია!
ცხოვრების ბრძოლა შენი თავის
სამსახურია!..

ნაშრევანიძე.

ორი სურათი

I.

მძულს.

მძულს მეზიზღება ზამთარი,
თოვლიან-ყინ-ულიანი,
ნაბუქ-ნამქერში გამხვია,
ლდე არ მიჩვენა მზიანი.

ცა, დედა-მიწა, ზღვა, ხმელი,
შავ ღრუბლით არის ბურვილი,
სიცივემ გული გაჰყინა,
მომიკლა ტრფობის წყურვილი.

ყორანი თავსა დამჩხავის,
გამაძლარია ლეშითა,

დათვი ჩემს ირგვლივ ბუტბუტით
დახეტილობს ხვნეშითა.

ხელ-ფეხს მიბორკავს ძალითა,
გაშავებული, გრძნეული,
ობოლი სულის მტანჯველი,
იყოს ღვთისაგან წყეული.

II.

მიყვარს.

მე მიყვარს ტურფა ზაფხული,
ფერადი, ყვავილიანი,
ბულბულის სტვენა საამო,
სამხიარულო წყლიანი.

მე მიყვარს მერცხლის კიკიკი,
ტოროლას ცაზედ სრიალი,
ცელი ნიავის თამაში,
მწვანე ფოთლების შრიალი.

მე მიყვარს შაშვის კასკასი,
სიმშვენე მოლაღურისა,
ხმას, რომ ურთავენ ნიავსა,
დამატკობელი ყურისა!

მე მიყვარს გლეხის ლიღინი,
ყანაში ნამგლის ტრიალი,
მუშის საერთო ყიყინი,
სამხიარულო გრიალი!..

გ. ოსანაშვილი.

ქორიკანები

(სურათი)

მოქმედება თბილისში. სცენა წარმოადგენს ნაწთ-
ლუდის შიდაშოს, მოსჩანს სასაკლაო. გზის ზირას ერთი
ფანჯრულია, ე. ი. ფიხით წამოსურული სათიანესავით
რამე, სადაც შეერილან ქალები: კოჭობა სონა, კოჭლი
ევა, ბრმა ნინა, შეღვევანი კატკა, 2 სონა, კოჭლანთ
ხორეშანა, ახრავი შაშო, და შლაპუნანთ ვარო...

ცივი ქარი უბერავს, სცივათ ვეველს და ერთმანეთს
ეკვრიან, მზიანი დილა.

ვარო. რა ნაირათ უბერავს ქაა! ასე მგონია
გვერდებში მახათებს მირკობენო.

სონა. მეხი კი დაგაყარე! შეიუბედურო, რა
თავს იკლავ? გცივა, წადრ შინ დათბილათიქნები!

ვარო. ეიოს! თქვენ გინდათ დროს გატარება
და მე კი აღარა?!

ევა. (აჯავრებს) დროს გატარება! შენმა კენე-
სამ მგონი ინდაურის ნაქრები გვიწყვია! მეხი კი
ჩამოგათხლიშე!

ბრმა ნინა. მოიკათ თვალებიც გაგხეთქიათ!
რა დროს ვენია თქვე გაგლეჯილებო?.. ქვეყანაზე

რა ამბები ხდება, იმაზე კი არა ლაპარაკობთ და მოჰყოლიხართ ტუტუტულობას. ვისაც სცივა შინ წავიდეს, ვისაც არა აქ იყოს.

ვარო. რა იყო ქა, აი დიდება შენთვის ღმერთო! ქა ცეცხლი ვთქვი, პირი არ დამწვავა! აღარა მცივა, ეხლა?!

2 სონა. გოგო ნუ იცი ეგრე ახირება! მოიცადე, იქნება რას ამბობს ჩვენი ნინა, ხომ იცი კარგის მეტს არაფერს იტყვის?

კატკა. მერე ურიგოს ვილა იტყვის? აბა ჯერ მაცალეთ, ისეთი რამე გითხრათ, რომ იმისთანა თავის დღეში არ გაგვევლოთ, მაშა!

ყველანი. თქვი რაღას უყურებ?

კატკა. ვუი დამიდგეს თვალები ქა, ეს რა ამბები ხდება ამ ოხერი უბანში!

ყველანი. რა იყო რა? თქვი!

კატკა. (მითომ ჩუმად) ქა, წუხელის ჩვენი ოპანენა დვორნიკი, თავის მიჰპარვია!

ყველანი. ვუი, ვუი, ვუი!

ხორეშანა. (გაჯავრებული) მერე რო მიჰპარვია, თვალები სადა ჰქონდა?

კატკა. თავის ქმარი ჰგონებია!

ყველანი. მერე, მერე?!

კატკა. მერე, ქმარი რო შესულა, დაუნახავს, ზედ მიუსწვრია, ოპანენა გაქცეულა. ქმარს უთქვამს: ვინ იყო ეგ კაციო? შენ იყავ, ვინ უნდა ყოფილიყო? უთქვამს ნამძინარე ვთქვამს და მხარი უცვლია. ქმარსაც შერცხვენია და გაწუმებულა!

ახრაჯი შაშო. მედა ჩემა სულმა კარგათ მოქცეულა! მაშ კარგი იქნებოდა, რომ ერთი აყალმაყალი გაემართა და ერთი სისხლი ჩაეგდო?

კოჭობა. ეგრეა მაშ! ქა ზოგ ოხერმა იცის, მაგნაირ რამეს, რომ გაიგებს, ყვეყანას შეყრის, რა არის, ის ოხერი შენც გეყუფა და სხვასაც!.. (იცინის).

ევა. (კატკას) ჰაი გიდი ჰა! რა არხენათ ლაპარაკობ! შენ არ იყავი, რომ შენ ქმარს მთელი ქვეყანა თავზე მოახვიე ლიხასთან რო მოასწარი?

ნინა. მოიცათ თვალეც დაგიდგეთ! (2 სონას) გოგო, წუხელის ლოტო არა გქონდა?

2 სონა. მაშ ქა! ეჰ რა გამოვიდა? რა ყრია შიგ? ოთხი აბაზი ავიდე, ათი შაურბი დავხარჯე! თვალებიც გაჰხეთქიათ!

ხორეშანა. გოგო, მაშ რა ხერი გაქვს?

2 სონა. რა ხერი, თუ ვინმე ჯველები ერთმანეთს გადაეკიდებიან, მაშინ ჰო, ერთი ორი მანეთის გამოჩენა არის.

ვარო. მოიცათ ქა! იცით რა გავიგე?

ყველანი. რა?

ვარო. პანტკანიცკის ბალი უნდა გახვრიტონ და შიგ ნახვრეტში ხალხმა უნდა იაროსო!

2 სონა. ეგ არაფერი. ამ გასაოხრებელ ბონიში, ერთი კამეჩი დაუკლავთ, შიგ ერთი გველი გამოსულა!

ყველანი. (პირჯვარს იწერენ). ღმერთმა დასწყევლოს ჩვენზე ავის მოლაპარაკე!.. (გაივლის ერთი ახალგაზრდა).

2 სონა. ქა იცით ეგ ყმაწვილი ვინ არი?

ყველანი. ვინ არი ვინ?

2 სონა. ამბობენ არგანჩიკაო!

ნინა. შე ამოსაწყვეტიშვილო, ბრმა მე ვარ და შენ კი ვერასა ხედავ! შე თვალდამდგარო, როდის გინახავს მაგნაირი არგანჩიკი ჰაა? კაცი აბრაშუმის ტანისამოსში ბრწყინავს, ოქრო-ვერცხლით გაქედლია და არგანჩიკაო! აი, ხოლმე გლუხ!

2 სონა. რა ვიცი ქა ეგრე მითხრეს.

ვარო. ეგრე რო გითხრეს, განა ყველაფერი უნდა დაიჯერო? ნიკანთ კეკემ იცით, რა მითხრა?

ყველანი. რა, რა?

ვარო. აღდგომა დღეს მაგანთა ყოფილა, თურმე ისეთი სუფრა აქვს გამართული, რგორც კარგი ღენერალი, მაშა! რა ინდაური, რა ქათამი, რა გოჭი, სრადნიკა, ბატანი. მამაჯვარის ლავაშე-ბი, კარაქი, ტრახუნა, ზუთხი, ლოქო. მერე სასმელები? ღვინო ხო? არაფერი, ან არაყი... ლიმონატკაზი, ლამახორი, ზოდინი კონდაკი, სულ გრანიცისა... იმ უბედურს, ერთი რმუკა უშნოვკა დაუღევია და დამთვრალა! (ამ დროს ისმის კინტოს ხმა: „აბა წვანილი, წვანილი, წიწმბატი, პრასა, ქონდარი, ტარხუნა, პიტნა, ბოლოკი“).

ხორეშანა. დაუძახეთ, დაუძახეთ!

კინტო. (გამოჩნდება; ხელში ერთი კონა ბოლოკი უჭირავს, ქალებს, რომ დაინახავს მიუხალოვდება) აბა, კარგი ბოლოკი, შიშაკია ჰაა, არ გინდათ?

2 სონა. აბა ვნახოთ! (გამოართმევს).

კატკა. (ხელიდან გამოგლეჯს) მოიცა ერთი ვნახო (მოგლეჯავს და სქამს). უი ქა ფუყეა!

კინტო. დალოცვილო ჩემი თავიც ფუყეა მაშ გადავადლოთ რაღა? (ბოლოკის კონა, გადადის ერთი ხელიდან მეორეში, თითო ოროლას გლეჯენ, ამა-სობაში თავდებენ კიდევ).

ხორეშანა. აჰა შვილო წაიდე, არა ყიდულობენ, (აწვდის მხოლოდ ფოჩებს).

კინტო. რას ამბობ დედი! ბოლოკი შეგიქამია და ცარიელ ფოჩებს მაძლევ—წაიდეო, რა ვირი ვარ?

ხორეშანა. მე რა ვქნა შვილო?

კინტო. რა უნდა ქნა, ფული მამე!
2 ხონა. რა ფული უნდა მოგცენ, რას ამბობ?
ერთმა ხომ არა ქამა?

კინტო. რა ჩემი საქმეა? ყველამ მომეცით რა?
შექამეთ—ფული, ფული. მე არ ვიცი! მეტი მოთ-
მენა აღარა მაქვს!

ნინა. მამა გიცხონდა, აპელატები არ ავყარო
აი, რას გვიზამ?

კინტო. თუ ალაგას ჩამივარდებით მე ვიცი
რასაც გიზამთ (შეჰყურებს ვაროს), მაგრამ ეხლა
რა გითხრათ? რა არის არა გცხვენიათ? რას ჩა-
მომსხდარხართ? ან ქმარი არა გყავთ, ან შვილი,
ან სახლი, ან კარი?.. თქვენი შიშით კაცს ვეღარ
გაუვლია ამ ოხერ გზაზე, ხწორეთ ყაჩაღები ხართ
რალა! ვინც გაივლის, თქვენ უნდა გაქორთო!..
ოჰ, თქვენი ქმრების უღვაშები შევარცხენ!

2 ხონა. (გაწიწმამებული) აქედან დაიკარგე
შე ნაგლეჯუა შენა!..

ყველანი. წადი დაიკარგე შე ოხერო შენა!

კინტო. (გულმოსული) აი თუ დავიკარგო...
(ბოლოკის ფოჩებიან კონას შიგ სახეში მიართყამს
2 ხონას და გაეშურება. ქალები წამოვარდებიან
და წივილ-კივილით მისდევენ უკან).

მ. ლელაშვილი.

(ფარდა)

მათხოვარა.

ძონძ-კონკებში გახვეულსა ფეხშიშველს,
სამოწყალოთ გამოწვდილი გაქვს ხელი,
თოვლზე ზიხარ, ირგვლივ ქარი გიბერავს,
მგზავრისაგან მოწყალებას მოელი.

კალთას გიწვეს, ბავშვი, ეძებს ძუძუსა,
სიცივისგან აკანკალებულია,
მკერდს გეკრობა, უსიტყვოთ გიტტიწებს,
ბატარა და ქამას მოკლებულია!

შემამჩნიე ვილაცა დიდი კაცი,
იმედი გაქვს მოგცემს მოწყალებასა,
ქულაჯაში გახვეული ბრძანდება,
განა გრძნობს კი ის შენს გაჭირვებასა?

ჩავიარა ზედაც არ შემოგხედა,
შენს ტანჯვაზედ მას არ შესტივია გული,
ეჰ დობილო! ნურც გიკვირს, სად გინახავს?
მდიდარს ჰქონდეს ღარიბის სიბრალული!..

ანნა კავთელი.

ლ ა მ მ.

ფრთა გაეშალა სევდისი ღამეს,
ნისლიან მთასა ჩასძინებოდა,
ცის კამარაზე გადაფენილი,
შავი ღრუბელი ცრემლად დნებოდა...

* *

და მწველი ცრემლი მწუხრის ღამისა,
მინდვრისა ბალახს ზედ ეფქრვეოდა;
სუსხი აქვნობდა გაზაფხულის ბურჯს
და იქ ნუგეში ჩუმად ჰკვებოდა...

* *

ვიდექ მარტოკა, დაფიქრებული,
ჩემს გულს ნადველი არ შორდებოდა,—
მხოლოდ ცრემლები სცივოდა თვალსა
და ბუნების ცრემლს უერთდებო!..

სანდრო დავითიშვილი.

ქალების პოეტი

ერთ ახალგაზრდა ყმაწვილ კაცს, ძალიან ხა-
ლისი ჰქონდა წერისა, მაგრამ ვერაფერი მოეგონე-
ბინა, ვერ მოეხერხებინა. იფიქრა: „ქართველებს
ისეთი პოეტები გვყავს, რომ იმათი ნაწერები ქვას
გახეთქენ და მე ისეთი რა უნდა დავწერო, რომ
გამოვჩნდე სადმე, ან გავაკვირო, ან მოვაწონო?
არა, იმათ ნაწერებს უფრო მომეტებული მამაკაცე-
ბი კითხულობენ.. დიად, დიად, ქალებს პოეტი
არა ჰყავთ და მე ვეყოლები!.. დაიწყა:

ცუცუნჯან! გენაცვალე!
ვაჰ კოკობი ძუძუები!
ერთი ღამე რომ მაჩუქო,
ღმერთმანი ზედ დავაკვლები!!!

ეგ თვალები მელნის ტბაა,
ჩემი ენა—კალამია!
რაც გინდ მითხრა, შენგან ლანძღვა,
ჩემთვის ტკბილი სალამია!

შენ ვარდი ხარ სამოთხისა,
მიბუღბუღე, დამიმონე,
სული სულსა შემეიერთე,
ჩამეკარი, ჩამიკონე!..

მოგიმღერებ ძილისპირულს,
შიგ ჩავაქსოვ ოქროს ჰანგებს,
ცრემლებათ ზედ დაგადნები,
განა მაწყენს? მარგებს, მარგებს?..

ვერ გავიგებთ გათენებას,
 მზე რომ გადმოგვიქათქათებს,
 თვალბში სხივს შემოგვაწვდის,
 სულსა და გულს გაგვინათებს!
 ბედნიერნი გავწევთ ბაღში,
 მიგვიზიდავს მუხის ჩრდილი,
 ყვავილნი თავს დაგვიკრავენ,
 წამოგვებრავს სიო გრილი!
 მოჩუხჩუხე ცივი წყარო,
 მოგვთავაზებს სარკეთ გულსა,
 ის გაიგებს მხოლოდ ჩვენსა
 საიდუმლოს, დაფარულსა“..

რა შეასრულა ლექსი ესე, მოიწვია ქალები,
 დანიშნა კრება და წაუკითხა... მოიწონეს. ერთმა
 წარჩინებულთაგანმა ქალმა გაუმართა დილა, რო-
 მელზედაც შეაგროვა ქანქარი უთვალავი და ამცნო
 ქალთა: „ჰაი დაზარულნო არსებანო! მოდით და
 ნახეთ, ჩვენც მოგვივლინა ღმერთმა ერთი ახირე-
 ბული, (არა, ესე არ უნდა მეუქო!) გასაოცარი,
 სამაგალითო, სათაყვანებელი მგოსანი, რომლისა
 ცალი არა არს პირსა დედამიწისასა!“.

ქალებმა რა დაინახეს სცენაზე მგოსანი თვისი,
 ჯერ ხმა არ ამოედო, რომ ერთი უშველებელი
 ტაშის კვრა და ყურთა გამჭვდი სიცილ-კისკისი გა-
 ისმა დარბაზსა შინა ზუბალაშვილებისა... წაიკითხა
 ლექსი. ნახეთ აღტაცებანი ქალთანი! რომელსა აქენდა
 ყვავილნი ესროლეს, რომელსა არა, მრავალნი ხელ-
 მანდილსა, ზოგნი აყიროთა (ქოლგებსა), რომელნიმე
 შლაპათა, რანიცა გვანან კათხათა და ზოგთა ივლი-
 ჯეს ჩიხტა კოპები და ესროლეს პოეტსა თვისსა.
 დღემან აღნიშნულმან დაამტკიცა უმაწვილი იგი,
 ქალთა მგოსნათა და აღსრულდა საწადელი მისი...

ჭინჭარი.

ქ ლ უ ბ ი

წარა-მარა ფიქრებისგან,
 თავში აზრი ამერია,
 ბოლოს მაინც მოვატყუე,
 იმერი თუ ამერია!

რას მიქვიან სინიღისი,
 ნაცია ან ძმა, ერია,
 თუმც მეტოქე ბევრი მყვანდა,
 მაგრამ ვერვინ მაშერია!

ვენაცვალე გამჩენელსა,
 კაცის ფიქრი ძლიერია...
 აივანზე, რომ დავდივარ,
 როცა კარგი ჰაერია,

მაშინ ვფიქრობ, სწორეთ მაშინ,
 არ მივდივარ ძაან შორსა,
 ისეთ რასმე მოვიგონებ,
 არ ეფიქროს ერთი-ორსა.
 თავში გეგმა შევადგინე,
 მოვიგონე უცებ კლუბი,
 ნებაც დამრთეს! აფერუმ ჰა!
 არცა კრივი, არცა ჩხუბი!
 ახლა ნახეთ ჩვენი კლუბი,
 რა ამბავი, დროს ტარება,
 თუ რომ გინდათ აქ იპოვოთ
 სიცოცხლე და ნეტარება:

რა თამაში, ტანც-ოინი,
 მანციონი, სეირნობა,
 „სისხარული, სიყვარული“,
 წუთიერი თანაგრძნობა!
 გაიხედავ, ბუფეტის წინ,
 ინტელიგენტს გაწყობილსა,
 დაინახავ, ქალებთანა,
 სასმელებში გართობილსა.
 აქეთ კეკე შესციციენს,
 იქით ეტრფის თამარასა!
 მეტი საქმე რომ არა აქვს,
 გააკეთებს აბა რასა?
 კლუბი, კლუბი, აბა კლუბი,
 ვის უნახავს ამისთანა?
 (მართლა კლუბი არ გეგონოთ,
 ამას ჰქვიან ყავახანა!)
 უფრო მეტი, უფრო მეტი,
 რომ არა ვსთქვა სირცხვილია,
 აქეთ ხვეენა, იქით კოცნა,
 პრაშტა-პრუშტი, ქორწილია!..
 აგერ იქით, დიდი სტოლი,
 დაქათქათებს ელნქტრონი!
 ჰაი გილი ჭრაქებოჯან!
 შეიცვალა ჩვენი დრონი.
 ახ სადა ხარ ბრმა თაქოჯან,
 დედა იყავ ჩემი განა!
 რომ გენახა უცნაური
 სანახავი ამისთანა!
 მისჯდომიან სტოლს გარშემო
 სულ მსხვილ-მსხვილი, ფულოსნები,
 დაბალ წრისა არ გეგონოთ,
 დიდრონები, ბურჯოსნები!
 აქეთ, „ღვაციტ“, იქით „ტრიციტ“,
 „ღვაციტადინ“, „ტრიციტ-ტრიო“,
 მე კი ჩემსა კასაშია,
 კანდარელის ფულებს ვყრიო!

მინამ ლეო თქვენ რა იცით! ამხანაგათ
 დიდი კაცი გავიხადე!
 რაც მინდოდა ავასრულე,
 გაზეთებში განვაცხადე!
 მომაწყდა და რა მომაწყდა
 ხალხი ბეგრი, უთვალავი!
 ვინაც კლუბი მოიგონა,
 გადანათლდეს მის საფლავი!..

მ შა.

გურუღი სცენა.

ფოტინა და ფოსინა.

ფოტინა. —ათასი მადლი ბუნებას, რომ მშვიდობით
გნახე ჩემო ფოსინე!

ფოსინე. —ღვთის მშობელმა მიცოცხლოს შენი თავი
გულო!

ფოტ. რა ქენი შავ, იყიდე სააღდგომო ხალაუები?

ფოს. უი შენ მტერს ღმერთი გუუწყრა, რაღა ვი-
 ყიდე უი შაო, კი იტყვი და მეორე აღდგომამ-
 დი გახხირებული გენახო, ჩემდა ან კაციზა
 ერთი აბაზის რამე იქრებოდეს ამ სააღდგომოთ.
 სადაა შენი ქირიმე. თელი აი ზამთარი საცო-
 დავმა ყაძახმა ტყეში იღლიტინა, რაცხა ორი
 ჯინკი გამოტიქნა, ჰალიასტომში თურმე კაღამ
 დარანი გვიარა, ფოთში სული კბილით ჩეი-
 ტანა. დედავ, შეუთქმან ჟამ-გასაჩენ ვაქრებს
 თურმე ერთხმათ პირი, იგენის პირზე დააყა-
 რეს უყი მიწა ქვესკნელი, და ნაფოტის ფა-
 სათ ჩეიყარეს ხელში. ოი იგენის ხელი და
 ფეხი გამგონოს გაფიხებული. იგენი ყოველ-
 თვის ჩვენ ნამუშეირს დარანში არონიებს იგენ-
 მა გეიარა ჯოჯოხეთში. ჰო გულო და რაცხა
 ორი კაპეიკი მეთანა, ხუცესს წუთლიტა,
 ბოჩიკს წუთქმეიტა, პაწეი ძმას, პაწეი იმას და
 ხომ კი იცი, ფშუკვა მოადინა, ჩვენ ვილა ჩიო-
 და დამრჩა ცინკლაი გასაჩენი ციკაი დედის
 ხორცაი, ნაბურავში ცეცხლი მიქონდა, რას
 ვიზამდით მიფლოკდით ხან ერთ ვაქართან, ხან
 მეორესთან და რავარც იყო გვეცით, რომ
 ხედავ აი ბარე ციკი მანეთისაა, ყორიფელი
 ცეცხლათ და ნაფთათ.

ფოტ. ოი ცეცხლი და ნაფთი გუუჩთა და გადიე-
 ბრაწა თავზე მათი ნაღუქნევი, რაფერ ვარესად
 ყოლთვიან ცეცხლს უკიდებენ ყოლიფერს. მერე
 რაა აი რა-და-რა გიყიდია.

ფოს. არ იცი, დაო ახლანდელი ციკაების საქმე?
 ახალ პანსონის პოლსაპოშკო, რაცხა ეშმაკი

შანთი კელიო, ლეტნოი ქული პუდრიფერიო
 და ორმოცი აღი-მაღაი.

ფოტ. რას იზამ გულო, წახთა ბორჯი, შენი ციკაი
 კილო სხვაზე მაჯუნია, ჩვენც ციკეები ვიყა-
 ვით აბა რა ვიყავით, მარა ბიჭებს პირიქით არ
 ვეტახუჯებოდით. აგენი კი ჯვარი აქანაი,
 ოქროს საყვირი და მარტუაი ეგერ ერთ მუ-
 ხუროში ხუთს კი აქ თურმე ცხვირამდე მუ-
 ცელი.

ფოს. დიდუფ-დიდუფ! რა თქვი აი უნელი, მანამდე
 არ მიაწია ჩემი ძვალი და ბილი, არა ამისთა-
 ნაი აფერი მყავს, მარა მაინც საშველი არაა
 ამ ნააღდგომევეს რაცხა თუ არ ვქენი.

ფოტ. დედავ გულო, ჩვე ეგება არ დაგვიჯეროს
 თვარა, აგერ ივაკიეის ბიჭი, საკუთარი ოჯახი
 ხუცის ნაგრაში. მზე და წვიმის მეტი მისას
 აფერი ჩეიხედავს. კრიმანქულში ჩიტს გასცი-
 ნებს, საყავეში პირველი კაცი, პაწეი მუშაო-
 ბა კი ეზარება, ოჯახშიც აფერი ბარაქა აქ
 კილო ღვინის სმამი და ჩხუბიც ქე უყვარს,
 მანდამაინც ლამაზიც არაა, ცეკვა იცის და
 ჩაღბიანი ბიჭი კია, ისეი სოფელს დიეთხუე
 და გუუშვი აგერ სტანცია, აგერ ქალაქი, მარ-
 ტუაი ახლა რომ ფარნები დადგეს ერთ სოფ-
 ლათ იგი ღირს, აბა სული, ფოშტა, კლასები,
 ფაიტონები, დაჩის პოეზდი, ყოლიფერი სათ-
 ქმელია, ერთი სიტყვით პეტრე ბურდი თუ
 გავიგონია იგია სხვაი რაღაი, მარა იცოდე
 სამას კარჯალ მანათს არ დაგვერდება კი.

ფოს. ვაი უფულოზას თვარა ახლანდელ ციკებს
 რომ უნდა იმისანაი კაცი ყოფილა, მარა რაც-
 ხას ვიზამ სულ რომ გულზე ქვაი დევიკილო
 პირზე ტყავი ევიხადო აბა რასაშველი მაქ?

ფოტ. ჰო და აბა სხვაი ჩემი საქმე იყოს. სხვაი გუ-
 ლო, წროულს თუ შვილობაა ვის ყაქს იჯდენ?

ფოს. შენიანებ დაიავ, რა ვიცი, ისევე სვანიშვილს
 თუ მივეწყვე, აბა დედა, შარშან კაკაბაძის
 თესლმა რომ აანძალა, ყოლიფერი ისე მისეუ-
 ლობა ანძალდა.

ფოტ. რა ვიცი დაო, აღმართი და ჩაღმართიო, არც
 ერთია წაღმართიო, მე არ დამიკლია არც
 სვანიშვილი, არც გვარჯალაძე და ლაფიერაი
 იგი გატლექლი კაკაბაძეც, მარა ყველაი ერთ-
 მანეთის ვარესია, დიეთხუა გარჩევას თვარა
 ისე მე სიმონისაზე ვიყავ შეჩოული.

ფოს. შაქრათ შენთან მუსაიფი მარა ხედავ რა ბორ-
 ჯი შექნილა. ისე ციკაის საქმე გახსოვდეს
 შენი ქირიმე, შვილობით!

ფოტ. ღმერთმა შვილობა მოგცეს ჩემო დაიავ და
 ციკაის საქმეს ნულარ კითხულობ ჩემ კისერ-
 ზე იყოს!..

შხანკოლა.

წერილი რედაქციას.

ბ-ნო რედაქტორო! გთხოვ ღმორჩილესათ და-
 უთმობ ადგილი ამ წერილს. თქვენ პატივცემულ
 ალმანახის სააღდგომო ნომერში მოთავსებული იყო
 გამოცანები ს. აცანიდან: „აგეწვათ“-ს ფსევდონი-
 მით; ერთ იმათგანს, რომელსაც გამოცანის მეორე
 ნაწილი ეხებოდა მართლაც, რომ მეტად აწვია და
 სხვა მოსაშუშებელი მალამო რომ ვერ ნახა, ჩემზე
 მოიტანა იერიში: შეუთხზავს რაღაც ქუჩური ლექ-
 სი ჩემზე და სოფელში ატარებს და უკითხავს ხალ-
 ხს. და აგრეთვე არა სასიამოვნო ხმებს ავრცელებს
 ჩემზე; გთხოვთ დამიმოწმობთ, რომ ხსენებული გა-
 მოცანის ავტორი მე არ ვყოფილვარ; მას კი ვაძ-
 ლევ წინადადებას თავის სამარცხვინო საქციელზე
 ხელი აიღოს.

მასწავლებელი გრ. მაჭავარიანი.*)

*) ალმანახის გამომცემელი აცხადებს, რომ
 შემოხსენებული გამოცანების ავტორი გრ. მაჭავა-
 რიანი არ არის.

შროვინციებიდან.

ლანჩუთი.

დიდი ხანია დახურეს
 ჩვენს დაბაში სამკითხველო
 დაღვრემილი შენობა, კი
 შენდობას გთხოვს წამკითხველო.
 მოსთქვამს, რომ ჩემი ფულები,
 სადღაცა გადაცურდაო,
 რადგანაც ჩემი აქ ყოფნა
 არავის არა სურდაო.

ისე გაფანტეს წიგნები,
 როგორც უსარდლო ჯარიო,
 სუყველას გადავაფიწყდი
 არვის აქვს ჩემი ჯავრიო.
 გამომიხურეს კარები
 ვითომც სენა, კი ვიყოფო,
 ხედავთ ინტელიგენციამ
 როგორი საქმე მიყოფო?

ასრე მოსთქვამს, რომ ფულები
 ჩამაბარონ უნდა ჩქარად:
 ჯერჯერობით თუმცა ვსდუმვარ
 მაგრამ ვფიქრობ ავღსდგე მარად.

იმას ვიტყვი და მას ვიწამებ
 რაც რომ არის კარგებო:
 გამვლელ-გამომვლელისათვის
 ღიათ მქონდეს კარებო.

ნაღზირატელის წყალობით
 ჯერჯერობით ასთე მქირსო,
 მაგრამ რა ვქნა, ნათქვამია:
 გაშკლავება უნდა ქირსო.

მარგარიტა შვილი.

ოზურგეთი. (იპოლიტეს სიმღერა):

ქერივი მიყვარს, ქერივი მე,
 ქერივის სულის ქირიმე,
 მე იგენს დავიფიწყებ?

არ შემირცხვეს პირი მე
 სულ-ყველა რომ დაგიქდა
 ეს რა ჩემი ბრალია?!

ფვიცავ მათის ეშხისგან
 ჩემი გულიც მთვრალია.

სადაც წავალ სულ მახსოვს
 იმათ ვენაცვალეები,
 ყველა თავს შამოველოს
 ოზურგეთის ქალები.

ქერივი მიყვარს ქერივი მე
 მათი სულის ქირიმე,
 რა მინდა ქმარიანთან—
 ავიტეხო ქირი მე?!

ქაჯი შვილი.

ატანა. (პასუხათ „დუშტი ბაზარს“ და
 მის კამპანიას.)

მეცინება თქვენმა მზემა
 მე რომ ბეწვს მიძებნით ჩინში,
 თვალში თვითონ დვირო გიღვეთ
 თივაც გირევიათ ტვინში.

გრიშა.

გ ა მ ო ც ა ნ ე ბ ი.

(ფუძ. სამონს)

ლანჩუთსა შინა, ვინმე ჭაბუკი
 ჯიჯგვი და მრგვალი, ვითარცა ბუკი,
 ჯდა მაგიდასთან დაფიქრებული
 და მრისხანებით უცემდა გული;
 აილო თითი შუბლზე მიიღო
 და შეარყია შიგ რაცა იღო;
 გადმოალაგა ღრმა აზროვნება,
 ქუქის ნაყოფი და ხელოვნება.
 გადააქრელა დიდი უსტარი,
 (ალბათ ჰყოლია მასაც მუშტარი?)

თანაც კითხულობს გაკვირვებითა
 და თან ახველებს გაქირვებითა:
 „სტყუის ეს ვილაც ივერიელი,
 როგორ დაგვრია უშიშრათ ხელი,

მღვდელ ებიფანე, დიდი ნესტორი,
 ან ხუსკივადის ვინ არის სწორი?
 სახელ განთქმული მასწავლებლები,
 „წარჩინებული“ მადამ ქალები,
 დიდი მათ უწყვართ ქველმოქმედება,
 მარა სამ თვეში რა გაკეთდება?..
 მოდი მშრალ ტყუილს

შკითხველს თავს ვახლი,
 დავიჭირავთ თეატრის სახლი,
 გრძნობს, რომ იტყუა ეს ყველაფერი,
 ვითომც სწიფთლის გადაჰკრა ფერი! .
 ვაჰ თუ შხანკოლამ, გამოიკო ესა,
 და ალმანახში გამომჭიმესა?..
 მარა, დე მოხდეს: (თან ჩაახველა)
 ხომ გამოცინებს ქალები ყველა!..“

ბათუმის გაზეთს მუნ წარუდგინა,
 მისთვის სცემს თავყვანს მარუსა, ნინა!

იგი უნ.

ტავიევი

მილიონერ ტავიევი,
 დედა-მიწა თხარა, თხარა
 და რალცა მანქანებით,
 ბებუთოვი გამოთხარა.

სურდა მისი ვადაყლაბა,
 მაგრამ ყელში გაეჩხირა,
 სხვას უთხრიდა ორმოს და თვით
 გადავიდა თავდა-ყირა!

ტავიევი ჩამოლონდა,
 განსაცდელს ვერ გაეპარა,
 საქმე რომ ვერ გაისწორა,
 მაკლაკოვი დაიბარა.

მანაც ვერა უშველა-რა;
 აქეთ ქრთამი, იქით ქრთამი,
 ბოლოს სასოწარკვეთილი,
 გახდა ცრემლით დასანამი.

შუბს ტომარა, ნემსსა — თვლი,
 ვერ დაჰვარავს, ვერ დაჰმაღავს...
 „სხვის არ მკრძალოვს რათა სძრახავს,
 ვინც თავისთავს არა ჰკრძალოვს!“

შმაბა.




სალიტერატურო დღია.

სად არის სადა, არა სჩანს,
 ჩვენი პოეტი სცენაზე,
 არავინ გვინდა მის მეტი,
 შაქარი აკრავს ენაზე!

თუ არ ის, აბა ვინ გვეტყვის,
 „ჭირიმე“, „გენაცვალესა“,
 სხვა პოეტები რათ გვინდა,
 გაგვტანჯეს, გავაწვადესა!..

არშოცი.



8 977
1912